

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: T04 0 KT 0055371 23
Zenica, 19.09.2024. godine

OPĆINSKOM SUDU U KAKNJU
- Sudiji za prethodno saslušanje -
K A K A N J

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

OPTUŽNICU

Protiv:

1. **Č. E.**, . osuđivan;
2. **Č. B.**, . neosuđivan;

što su:

dana 28.09.2023. godine oko 10,30 sati, na području općine Kakanj, u reonu Kičeva, lokalitet Piljevina, u odjelu 1. G.J. „DRZ“, kojom gospodari Kantonalna uprava za šumarstvo Zenica u namjeri pribavljanja protivpravne imovinske koristi, zajednički i dogovorno, bez prethodne doznake i odobrenja nadležnog organa izvršili sječu 54 stabla hrasta-hmeljovke, ukupne bruto drvene mase 3,24m3, oštetivši time KUŠ ZDK za iznos od 1.245,78 KM, pa kada su zatečeni na licu mjesta od strane čuvara šuma Kantonalne uprave za šumarstvo, Odjeljenje Kakanj, P. H. i kada je lugar prišao terenskom vozilu, koje koristi Č. E.i u koje vozilo je prerezane komade drveta tovario Č. B., te pokušao uslikati ovo terensko vozilo, B. je otišao u pravcu E. da ga upozori da je tu lugar, nakon čega je E. sa upaljenom motornom pilom krenuo prema lugaru, koji je u strahu pobjegao niz livadu, dok mu je E. za to vrijeme psovao majku i govorio kako će ga sasjeći motorno pilom, čime je na ovaj način spriječio službenu osobu u vršenju službene radnje, a što je i htio,

čime su, Č. E. u sticaju počinio krivična djela Šumske krađe iz člana 316. stav 1. u vezi sa članom 31. i Sprečavanje službene osobe u vršenju službene radnje iz člana 358. stav 1. sve u vezi sa članom 54. KZ F BiH, a Č. B. krivično djelo Šumske krađe iz člana 316. stav 1. u vezi sa članom 31. KZ F BiH.